



Կացություն գիտահետազոտական աշխատանքի նպատակով (միայն Գերմանիայի համար)

Վիզայի համար դիմում ներկայացնելը

Դիմում ներկայացնելու համար անհրաժեշտ է նախապես հերթագրվել: Հերթագրվել կարող եք միայն առցանց եղանակով: Առցանց հերթագրման համակարգ կարող եք մուտք գործել դեսպանության կայքի միջոցով. www.eriwan.diplo.de :

Շնչհանուր տեղեկություններ

Երրորդ երկրների քաղաքացի գիտաշխատողներ, որոնք

- ունեն դոկտորական գիտական աստիճան կամ բուհի համապատասխան որակավորում, որը թույլ է տալիս ներգրավվել դոկտորական ծրագրերի մեջ, և
- որոնք ընտրված են գիտական որևէ կառույցի կողմից, և թույլատրված է նրանց մուտքը ԵՄ անդամ պետություններից որևէ մեկի տարածք
- գիտական այնպիսի գործունեություն ծավալելու նպատակով, որը, սովորաբար, պահանջում է նման որակավորում:

Ուշադրություն. Այդ թվին են պատկանում նաև դոկտորանտները, եթե իհարկե նրանք գրանցված չեն գերմանական բուհերից որևէ մեկում՝ որպես հիմնական գործունեություն դոկտորական պաշտպանությանն ուղղված իրենց համապարփակ ուսման ծրագիրը ավարտելու նպատակով:

Եթե Դուք համապարփակ ուսման ծրագրի մասնակից եք, խնդրում ենք ծանոթանալ «Ուսման նպատակով տրվող վիզա» հուշաթերթիկին:

- Ոչ գերմանալեզու փաստաթղթերը՝ բացառությամբ անձնագրի տվյալների էջի, պետք է ներկայացնել գերմաներեն հաստատված թարգմանությամբ:
- Վկայականները, դիպլոմները և նմանատիպ փաստաթղթերը պետք է ներկայացնել բնօրինակով և ապոստիլով/լեզալիզացիայով: Բնօրինակները կվերադարձվեն:
- Վիզայի համար հնարավոր է, որ անհրաժեշտ լինի ԳԴՀ աշխատանքի դաշնային գործակալության (Bundesagentur für Arbeit) և համապատասխան վայրի Օտարերկրացիների հարցերով մարմնի (Ausländerbehörde) համաձայնությունը: Վիզան կարող է տրվել միայն, երբ դեսպանությունը ստանա այս համաձայնությունները:
- Դիմումի քննությունը և մշակումը սովորաբար տևում է 1 – 4 շաբաթ**, առանձին դեպքերում՝ ավելի երկար:
- Ավիատոմսի ամրագրում վիզայի համար չի պահանջվում, խնդրում ենք ավիատոմս ամրագրել միայն վիզա ստանալուց հետո:
- Դեսպանությունն իրեն իրավունք է վերապահում պահանջել լրացուցիչ փաստաթղթեր: Լիարժեք դիմում ներկայացնելը դեռևս բավարար հիմք չէ վիզա ստանալու համար: Ոչ լիարժեք փաստաթղթերը կարող են դանդաղեցնել գործընթացը և հանգեցնել դրանց վերադարձի կամ մերժման: Դեսպանությունն ուղարկված այն ֆաքսերը կամ գրությունները,

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

որոնց վրա բացակայում է վիզայի գործի համարը, չեն տեսակավորվում և չեն կցվում գործերին:

- **Խնդրում ենք դիմումի վերոնշյալ մշակման ժամանակահատվածում, ձեռնպահ մնալ դիմումի ընթացքի վերաբերյալ հարցումներ անելուց:** Այդ հարցումները էապես ծանրաբեռնում են վիզայի բաժնի աշխատանքը, այդ պատճառով վիզայի բաժինը չի կարող պատասխանել:
- Վիզայի վճարը կազմում է 75 եվրո, որը վճարվում է դրամով՝ դիմումը հանձնելիս:
- Բոլոր փաստաթղթերը (հատկապես անձնագրի պատճենները) պետք է **ներկայացնել A4 ձևաչափով՝** առանց ամրացնելու, կարելու և թափանցիկ թղթապանակների:

Սկզբունքորեն բոլոր փաստաթղթերը պետք է ներկայացնել բնօրինակով և մեկական պատճենով: Խնդրում ենք փաստաթղթերը դասավորել այսպես.

- բոլոր բնօրինակ փաստաթղթերը՝ ստորև նշված հերթականությամբ.

- Դիմում-հարցաթերթիկը՝ հայտարարության հետ միասին, և բոլոր թվարկված փաստաթղթերի ընթերցանելի և ոչ մուգ պատճենները՝ ստորև նշված հերթականությամբ.

Անհրաժեշտ փաստաթղթեր

- գերմաներենով կամ անգլերենով լիարժեք լրացված դիմում-հարցաթերթիկ՝ ներառյալ Կացության մասին դաշնային օրենքի §54-ով սահմանված իրազեկումը: Հարցաթերթիկը կարող էք գտնել դեսպանության կայքում՝ սույն հղումով. <https://videx-national.diplo.de>,
- լիարժեք լրացված և ստորագրված հայտարարություն հասանելիության ([հղում](#)) վերաբերյալ,
- 2 նոր, բիոմետրիկ լուսանկար, մեկը խնդրում ենք ստանձել դիմում-հարցաթերթիկներին,
- գործող ճամփորդական անձնագիր, որը վավերական լինի առնվազն 6 ամիս, (անձնագրում պետք է լինի առնվազն երկու դատարկ էջ, իսկ անձնագիրը տրված լինի ոչ ավելի վաղ, քան տասը տարի առաջ),
- անձնագրի այն էջերի պատճենները, որտեղ առկա է կնիք, վիզա կամ որևէ այլ նշում,
- աղյուսակային կենսագրություն՝ ցայժմ ունեցած մասնագիտական գործունեության մանրամասներով
- աշխատանքային պայմանագիր կամ աշխատատեղի հաստատված առաջարկ գերմանական որևէ բուհից կամ հանրային գիտահետազոտական հաստատությունից, որում նշված լինեն հետևյալ տվյալները.
 - գործատու հաստատությունը (անվանումը, փաստացի աշխատավայրի հասցեն և կոնտակտային անձի տվյալները)
 - գիտական գործունեության տեսակը
 - զբաղվածության տեսակը՝ լրիվ օրվա կամ մասնակի աշխատաժամանակ
 - համախառն ամսական վարձատրությունը կամ կրթաթոշակը (պետք է նշվի նաև կրթաթոշակի միջոցների աղբյուրը)՝ եվրոյով հաշվարկված
 - աշխատանքի ընդունման ժամանակահատվածը (մինչև / անսահմանափակ)
- գիտնականների համար՝ գիտահետազոտական աշխատանքի վերաբերյալ ստորագրված պայմանավորվածություն կամ գերմանական գիտահետազոտական որևէ կառույցի հետ կնքված համապատասխան պայմանագիր: Պայմանավորվածությունը/պայմանագիրը պետք է պարունակեն պահանջվող նվազագույն տվյալներ: Նմուշօրինակը՝ [այստեղ](#):

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

- որակավորման վկայականներ. Դոկտորական աստիճանի վկայական կամ բուհի ավարտական վկայական, որը թույլատրում է մասնակցել դոկտորական ծրագրերի,
- ծախսերի ստանձնման պարտավորագիր այն ծախսերի համար, որոնք պետական կառույցների համար առաջանում են ընդունելության պայմանավորվածության ավարտից հետո մինչև վեց ամսվա ընթացքում (բնօրինակը և երկու պատճեն): *Բացառություն են կազմում այն դեպքերը, երբ գիտահետազոտական կառույցի գործունեությունը հիմնականում ֆինանսավորվում է պետական միջոցներից, կամ առկա է առանձնահատուկ հանրային շահ:*

- Ապացույց բավարար ֆինանսական միջոցների վերաբերյալ Ֆինանսավորում.

Գերմանիայում կացության համար յուրաքանչյուր դիմումատու պետք է իր տրամադրության տակ ունենա **ամսական առնվազն 1.027 եվրո**, եթե հիմնավորված չէ զբաղվածության որևէ հարաբերություն: Այս միջոցների առկայությունը կարող է հավաստվել ընդունելության պայմանավորվածությամբ /համապատասխան պայմանագրով: Եթե նախատեսվում է զբաղվածություն, ապա պետք է ապացույց ներկայացնել, որ օրինական նվազագույն վարձատրությունը կլինի ամսական առնվազն 2.080 brutto եվրո: Դիմումը ներկայացնելիս պետք է ֆինանսական միջոցների ապացույցներ ներկայացվեն կացության ողջ ժամանակահատվածի համար:

Ֆինանսավորում «արգելափակված» հաշվի միջոցով. Արգելափակված հաշիվը բացել ժամանակին՝ **վիզայի դիմումը ներկայացնելուց առաջ**: Ընդունվում է **բացառապես հաշվի բացման պաշտոնական հաստատումը**, որում նշված են ներմուծված ամբողջական գումարը և ամսական հասանելի գումարները: Առանց այս գումարների վերաբերյալ նշումների հաստատումը **բավարար չէ**:

- Այլ՝ ոչ Հայաստանի Հանրապետության քաղաքացիություն ունեցող անձինք, օրինակ՝ Ռուսաստանի, Իրանի կամ Հնդկաստանի քաղաքացիները իրենց բնակությունը Հայաստանում հավաստելու համար պետք է ներկայացնեն Հայաստանի կացության թույլտվություն՝ ռեզիդենտ քարտ (առնվազն վեց ամսվա):
- Բժշկական բավարար ապահովագրական պաշտպանվածության վկայական
Եթե օրենքով սահմանված բժշկական ապահովագրության շրջանակում Ձեր ապահովագրական պարտավորությունը պետք է իրացնեք Դուք՝ որպես աշխատող, ապա պետք է նկատի ունենաք, որ այն սկսելու է գործել միայն Ձեր՝ Գերմանիայում բնակության վայրում հաստատվելու և աշխատանքային գործունեությունը սկսելու պահից: Եթե Դուք ավելի շուտ եք մուտք գործելու Գերմանիա, Ձեզ հարկավոր է մինչև աշխատանքային հարաբերության մեկնարկը և օրենքով սահմանված բժշկական ապահովագրության մեջ Ձեր ներառվելը կնքել ժամանակավոր՝ մասնավոր բժշկական ապահովագրություն: Ճամփորդական բժշկական ապահովագրությունները, հնարավոր է, չապահովեն ապահովագրական պաշտպանվածություն և Ձեր ապահովագրության պայմաններում, եթե նախատեսված է երկարաժամկետ և տևական կացություն: Հնարավոր է, որ այսպես կոչված „incoming“ ապահովագրությունները նույնպես չապահովեն այդպիսի պաշտպանվածություն:

Այս հուշաթերթիկի բոլոր տվյալները հիմնված են այն գրելու պահին դեպքերի ունեցած տեղեկությունների և վերլուծությունների վրա, ուստի դեպքերի ունեցումը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

Դեսպանությունը հուշում է, որ համաձայն Կացության մասին օրենքի §82-ի՝ յուրաքանչյուր դիմող պարտավոր է ապահովել դիմումի լիարժեքությունը, եթե որևէ փաստաթուղթ բացակայում է, դեսպանությունը համարում է, որ այն չի կարող ներկայացվել:

Կարևոր ցուցումներ

Ձեր ուշադրությունն ենք հրավիրում այն հանգամանքին, որ վիզայի դիմումը հանձնելիս որևէ այլ վճար, քան **դեսպանության շենքում՝ վիզաների բաժնի պատուհանի մոտ** գանձվող վիզայի վճարն է, նախատեսված չէ:

Դեսպանությունը **չի համագործակցում** տուրիստական ընկերությունների հետ: **Դա վերաբերում է նաև դեսպանության անմիջական հարևանությամբ գտնվող գրասենյակներին: Ճամփորդական կամ այլ ծառայություններ մատուցող գրասենյակների աշխատակիցների պնդումներն այն մասին, որ իրենք համագործակցում են դեսպանության հետ, չի համապատասխանում իրականությանը:**

Ոչ ոք չի կարող ազդել Ձեր դիմումի հաջողության հեռանկարի վրա, քանի որ դիմումների վերաբերյալ որոշումները կայացնում է բացառապես գերմանացիներից բաղկացած անձնակազմը: **Եթե Ձեզ այլ բան են խոստանում, ապա Ձեզ փորձում են խաբել: Ոչ մի դեպքում գումար մի՛ տվեք:**

Վիզայի հետ կապված հարցերի մասին արժանահավատ տեղեկություններ կարող եք անվճար ստանալ **դեսպանության վիզաների բաժնի աշխատակիցներից:** Այլ անձինք տեղեկություններ տրամադրելու իրավասություն չունեն:

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով: